



## PRESIDENT- & INTERTAK SPANSKIET REËLS

Belangrik: Hierdie inligting is 'n bondige opsomming van die skietposisies vir die Jaggebaseerde skietoefeninge by die President- & Intertak Spanskietkompetisies. Vir die volledige reëls moet altyd verwys word na die Jaggebaseerde Universele Reëls

1. **Vlakte skietoefening 300m: Lê posisie met beperkte ondersteuning voor en agter –** Harris tipe tweepoot of skietstokke mag gebruik word om die geweer voor te ondersteun. 'n "Monopod" ('n opvoubare addisionele rus wat agter vas is aan die kolf), of die tweede poot van skietstokke mag gebruik word om die geweer agter te ondersteun. Die ondersteunende hand mag die kolf agter vashou en die kolf mag die grond agter raak. Sandsakke of enige ander tipe toerusting is nie toelaatbaar nie.



Standaard skietposisie



Alternatief: skietstoeltjie, met vrye ondersteuning

2. **Vlakte skietoefening 200m: : Lê posisie met beperkte ondersteuning slegs voor -** Skietstokke met 'n enkele steunpunt of 'n Harris-tipe tweepoot mag die geweer slegs voor die snellerbeuel ondersteun. Die skut se nie-sneller hand mag die geweer slegs voor die snellerbeuel vashou (die hand en al die vingers moet voor die snellerbeuel wees) en die geweer, enige hand, pols of voorarm mag nie aan die grond of enige ander voorwerp (bv. een been van die skietstok) raak nie. **Geen vinger of handskoen mag onder die pistolgreep dien as ondersteuning nie.**



Standaard skietposisie



Alternatief: Harris bipod



3. **Vlakte skietoefening 200m: Sitposisie met vrye ondersteuning** - met hierdie gesteunde sitposisie kan die skut sy skietstokke of Harris tipe tweepoot gebruik na die beste van sy oordeel (kan ook meer as een poot van die skietstok benut) sonder enige beperking, behalwe waar die baanoffisier dit onveilig ag. Dit is toelaatbaar om die elmboë op die knieë te stut en 'n geweerband is ook toelaatbaar. Die elmboë, enige deel van die arms of knieë mag nie die grond raak nie en die geweerkolf moet in die skouer wees. Bv. die Vlakte skietoefening met vrye ondersteuning op 200m



Standaard skietposisie



Alternatief: Harris bipod



Alternatief: skietstoeltjie, vrye ondersteuning

4. **Vlakte skietoefening 100m: Sitposisie sonder enige bykomende ondersteuning** (bv. skietstokke) – die gewig van die liggaam word deur die boude ondersteun. Geen deel van die bene mag aan die grond of enige ander kunsmatige hulpmiddel raak nie. Die bene mag in die oop of gekruisde posisie wees, die enkels en kuite mag op die skut se skoene rus wanneer die bene gekruis word en mag voor die voerpunt van die skietpunt wees. Die geweer mag op enige gemaklike manier houvas word, op voorwaarde dat die geweer in die skouer of armholte of teen die bo-arm (*biceps muscle*) gehou word.



Standaard skietposisie



Alternatief: op skietstoeltjie



Alternatief: gekruisde bene



1. **Bosveld skietoefening 150m: Knielposisie met vrye ondersteuning** – die skut kan skietstokke gebruik na die beste van sy oordeel (kan ook meer as een poot van die skietstok benut) sonder enige beperking, behalwe waar die baanoffisier dit onveilig ag.



Standaard skietposisie



Alternatief – kniel op beide knie mag nie afsak en op voete sit nie

2. **Bosveld skietoefening 100m: Staanposisie met vrye ondersteuning** – met hierdie gesteunde staanposisie kan die skut skietstokke gebruik na die beste van sy oordeel (kan ook meer as een poot van die skietstok benut) sonder enige beperking, behalwe waar die baanoffisier dit onveilig ag.



3. **Bosveld skietoefening 50m – 3 skote in 30 sekondes en 3 snapskote: Vryhand staanposisie** – geen bykomende ondersteuning (bv. skietstokke) word gebruik nie en verder gebruik die skut die staanposisie soos dit hom/haar pas. 'n Geweerband is toelaatbaar. Vanuit die vryhand staanposisie kry die skuts die bevel “*Almal is gereed – sluit grendel en staan by*” - skuts wag op die bevel “vuur” met die snellervinger langs die snellerbeuel, met die geweer-loop ongeveer 45 grade na die grond gerig en die tromp (punt) van die geweerloop mag nie hoër as die skut se lyfband (“belt”) wees nie.



“Gereed”



“Vuur/skiet”

4. **Standaardbevele op die skietbaan vir die vryhand staanposisie – 3 snapskote:**

Nota: As gevolg van die tydsdruk vir elke skoot op skuts gedurende die snapskoot skietoefening is dit belangrik dat duidelike en eenvormige bevele deur Baanoffisiere gegee word om verwarring by die skuts te voorkom.

Die oefening word beskou as 'n toets van die skut se vaardigheid sowel as sy toerusting se betroubaarheid. 'n Storing veroorsaak potensieel dat punte verbeur word aangesien die aflossing nie gestop sal word indien enige skut 'n storing ontwikkel na die eerste bevel om te "vuur"

gegee is nie.

1. Die bevel tot en met item 6 van "Standaard bevel" bly dieselfde en daarna:
2. **"Laai en maak gereed"** (laai magasyn met 3 rondtes/ kamer van enkelskoot vuurwapens en grendel bly oop) (nota: dit is onnodig om skuts met magasyn een skoot per keer te laat laai maar hou steeds beperking van skuts met enkelskoot gewere in gedagte)
3. **"Is almal gereed?"** – skuts wat nie gereed is nie moet aanduiding gee
4. **"Die aflossing is nog nie gereed nie"** – indien so aangedui.

## 5. Eerste skoot:

- 5.1 Vanuit die vryhand staanposisie kry die skuts die bevel **"Almal is gereed –sluit die grendel en hou die geweer op 45 grade"** – (2 tot 4 sekonde pouse) - herhaal die bevel **"45 grade"** – (2 sekonde pouse) - **"staan by"** – (2 sekonde pouse) (item 10 van standaardbevel) - skuts wag op die bevel **"vuur"** met die snellervinger langs die snellerbevel, met die geweerloop ongeveer 45 grade na die grond gerig en die tromp (punt) van die geweerloop mag nie hoër as die skut se lyfband ("belt") wees nie;

Nota: tydsverloop vanaf "Almal is gereed – sluit grendel en hou die geweer op 45 grade" na "Blaas fluitjie" of gee bevel "vuur" nie langer as 2 sekondes nie. Skuts moet nie onnodig lank in die posisie laat staan word nie aangesien dit uiters frustrerend en vermoeiend is – hou ook in gedagte die skuts staan met 'n gelaaide geweer. 'n Skut wat nie gereed is vir die tweede en derde skoot nie, verloor die oorblywende skoot/skote.

Bevel word nie onderbreek nie, en die tweede en derde skoot gaan aan.

- 5.2 **"Blaas fluitjie"** of gee bevel **"vuur"**;

- 5.3 Na 5 sekondes: **"Blaas fluitjie"** of gee bevel **"stop"**;

- 5.4 Skuts mag herlaai onmiddellik na skoot geskiet is

## 6. tweede skoot – gee genoeg tyd vir laai deur skuts met enkelskoot gewere (maks 12 sekondes):

- 6.1 **"herlaai en hou die geweer op 45 grade"** – (2 tot 4 sekonde pouse) - herhaal die bevel **"45 grade"** - (2 sekonde pouse)- **"staan by"** (2 sekonde pouse);

- 6.2 **"Blaas fluitjie"** of gee bevel **"vuur"**;

- 6.3 Na 5 sekondes: **"Blaas fluitjie"** of gee bevel **"stop"**;

- 6.4 Skuts mag herlaai onmiddellik na skoot geskiet is

## 7. derde skoot – gee genoeg tyd vir laai deur skuts met enkelskoot gewere (maks 12 sekondes):

- 7.1 **"herlaai en hou die geweer op 45 grade"** - (2 tot 4 sekonde pouse) - herhaal die bevel **"45 grade"**- (2 sekonde pouse)- **"staan by"** (2 sekonde pouse);

- 7.2 **"Blaas fluitjie"** of gee bevel **"vuur"**;

- 7.3 na 5 sekondes **"Blaas fluitjie"** of gee bevel **"stop"**;

8. Bevel vanaf item 13 van standaardbevel - **"Ontlaai, maak veilig"** – word dan verder gebruik